



Broj/Број: 01/2a-50-1-2-52/09

Sarajevo/Сарајево: 30.9.2009.

ZAPISNIK

52. sjednice Komisije za vanjske poslove Zastupničkog doma Parlamentarne skupštine BiH, održane 29. 9. 2009.

Sjednica Komisije počela je u 14 sati. Sjednici su prisustvovali: Azra Hadžiahmetović, Milorad Živković, Husein Nanić, Azra Alajbegović i Denis Bećirović.

Osim članova Komisije, sjednici su prisustvovali Miroljub Krunic i Vera Letica iz Ministarstva finansija i trezora BiH.

Zapisnik je vodio Miroslav Stanišić, stručni saradnik u Komisiji za vanjske poslove.

Sjednicom Komisije predsjedavala je Azra Hadžiahmetović, prva zamjenica predsjedavajućeg Komisije za vanjske poslove. Ona je pozdravila prisutne nakon čega je Komisija jednoglasno usvojen sljedeći

DNEVNI RED

1. Usvajanje Zapisnika 51. sjednice Komisije;
2. Davanje mišljenja o saglasnosti za ratificiranje:
 - a) Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini (resorno ministarstvo: Ministarstvo finansija i trezora BiH);
 - b) Sporazuma o zajmu između Bosne i Hercegovine i Međunarodne banke za obnovu i razvoj - *Drugi projekat upravljanja čvrstim otpadom* (resorno ministarstvo: Ministarstvo finansija i trezora BiH);
 - c) Sporazuma o finansiranju između Bosne i Hercegovine i Međunarodne asocijacije za razvoj (IDA) – *Drugi projekat upravljanja čvrstim otpadom* (resorno ministarstvo: Ministarstvo finansija i trezora BiH);
 - d) Sporazuma o finansiranju između Bosne i Hercegovine i Komisije Evropskih zajednica o programu finansiranja učešća Bosne i Hercegovine u ERDF evropskim programima međunarodne teritorijalne saradnje „Jugoistočna Evropa“ i „Mediterran“ na osnovu Instrumenta pretprijetne pomoći (IPA), komponenta prekogranične saradnje, za 2008. godinu (resorno ministarstvo: Ministarstvo finansija i trezora BiH).
3. Tekuća pitanja.

Ad. 1. Usvajanje Zapisnika 51. sjednice Komisije

Nije bilo primjedbi te su članovi Komisije jednoglasno usvojili Zapisnik 51. sjednice Komisije za vanjske poslove.

Ad. 2. a) Davanje mišljenja o saglasnosti za ratificiranje Sporazuma između Vijeća ministara BiH i Vlade Savezne Republike Njemačke o finansijskoj saradnji u 2007. godini

Miroljub Krunić iz Ministarstva finansija i trezora BiH kazao je da se radi o Sporazumu o finansijskoj saradnji koji se obnavlja svake godine. Vrijednost sporazuma je 53.5 miliona eura, od kojih se 39.5 miliona eura ulaže u energetske sektor a 14.5 miliona eura za reprogramiranje finansijskih doprinosa za razne projekte.

Azra Hadžiahmetović pitala je zbog čega u Sporazumu stoji 2007. , s obzirom da je sada 2009. godina. Miroljub Krunić rekao je da SR Njemačka svake godine u svom budžetu planira sredstva koja namjerava plasirati u Bosni i Hercegovini. Ta sredstva su rezervirana i tek kada sporazum bude ratificiran, onda ćemo ih moći koristiti. Sredstva neće biti odobrena ako se u roku od osam godina od godine odobravanja ne sklope odgovarajući ugovori o finansiranju. Rok za navedene iznose ističe s 31. decembrom 2015. godine.

Ad. 2. b) Davanje mišljenja o saglasnosti za ratificiranje Sporazuma o zajmu između Bosne i Hercegovine i Međunarodne banke za obnovu i razvoj
- Drugi projekat upravljanja čvrstim otpadom

Ad. 2. c) Davanje mišljenja o saglasnosti za ratificiranje Sporazuma o finansiranju između Bosne i Hercegovine Bosne i Hercegovine i Međunarodne asocijacije za razvoj (IDA)
- Drugi projekat upravljanja čvrstim otpadom

Miroljub Krunić kazao je da je vrijednost ova dva sporazuma 43.5 miliona dolara te da se oni odnose na projekat čiji je cilj da se tretman čvrstog otpada dovede na prihvatljiv nivo na teritoriji cijele Bosne i Hercegovine.

Rok otplate kredita je 20 godina, uz osam godina grejs perioda.

Ad. 2. d) Davanje mišljenja o saglasnosti za ratificiranje Sporazuma o finansiranju između Bosne i Hercegovine i Komisije Evropskih zajednica o programu finansiranja učešća Bosne i Hercegovine u ERDF evropskim programima međunarodne teritorijalne saradnje „Jugoistočna Evropa“ i „Mediterran“ na osnovu Instrumenta pretpristupnu pomoć (IPA), komponenta prekogranične saradnje, za 2008. godinu

Vera Letica iz Ministarstva finansija i trezora BiH kazala je da se ovdje radi o Sporazumu iz IPA komponente koji se sklapaju na godišnjem nivou, da je vrijednost Sporazuma 506 hiljada eura. U Sporazumu je riječ o transnacionalnim programima, koji se sklapa s ciljem početka učešća BiH u međudržavnim programima regije. Projektima upravlja delegacija Evropske komisije u BiH a može se očekivati da ćemo u narednom periodu biti akreditirani da sami upravljamo projektima.

Nakon toga članovi Komisije jednoglasno su dali pozitivno mišljenje Predstavničkom domu u vezi s ratifikacijom ova četiri sporazuma.

Azra Hadžiahmetović se na kraju zahvalila članovima Komisije i zaključila sjednicu.

Sjednica je završena u 14,20 sati.

Zapisnik sastavio:

Miroslav Stanišić, stručni saradnik u Komisiji za vanjske poslove.

Sekretar Komisije

Zamjenica predsjedavajućeg Komisije

Merdžana Iglica
 Kopija: MVP-u BiH

Azra Hadžiahmetović